

## Tafsiira Suuratu As-Sajdah-Kutaa 6

## Description

Mu'minaa fi Faasiqni wal-qixxaa'u?

﴿ ١٨ ﴾ أَفَمَنْ كَانَ مُؤْمِنًا كَمَنْ كَانَ فَاسِقًا لَا يَسْتَوُونَ

â€œSila namni muâ€™mina taâ€™me akka nama faasiqa taâ€™meeti? Wal hin qaxxaaâ€™an.â€•  
Suuratu As-Sajdah 32:18

Muâ€™mina jechuun nama Rabbii fi wanta Isarraa dhufe hundatti amanee fi Isaaf ajajamuudha. Faasiqa jechuun immoo nama fincilaa ajaja Rabbii faallessuu fi haqa keessaa bahuudha. Faasiqni asitti barbaadame kaafira.

Kanaafu, namni Rabbii fi Ergamaa Isaatiif ajajamuu fi waadaa Isaa dhugoomsu nama Rabbii fi Ergamaa Isaatti kafaree fi Guyyaa Aakhirah kijibsiiseetin wal qixxaaâ€™aa? Rabbiin biratti gonkumaa wal hin qixxaaâ€™an. Kaafirri osoo addunyaa keessatti sadarkaa guddaa fi qabeenya baayâ€™ee qabaateyyu muâ€™mina hiyyeessa taâ€™meetu isa caala. Rabbiin subhaanahu wa taâ€™maalaa akkana jedha:

أَمَّا الَّذِينَ ءَامَنُوا وَعَمِلُوا الصَّالِحَاتِ فَلَهُمْ جَنَّاتُ الْمَأْوَىٰ نُزُلًا بِمَا  
كَانُوا يَعْمَلُونَ ﴿١٩﴾

â€œWarri amananii fi hojii gaggaarii hojjatan, wanta hojjataa turaniif jecha akka nuzulaatti  
Jannata itti galantu isaaniif jira.â€• Suuratu As-Sajdah 32:19

Nuzula jechuun wanta keessummaaf qophaaâ€™udha. Sababa isaan amananii fi hojii gaarii hojjataniif Jannani wanta Rabbiin keessummoota Isaa Guyyaa Qiyaamaa kabajuuf qopheesseedha. [1] â€œ  
Jannata itti galantuâ€• kana jechuun Jannata itti galanii fi keessa qubatantu isaaniif jira.

﴿ وَأَمَّا الَّذِينَ فَسَقُوا فَمَأْوَاهُمُ النَّارُ كُلَّمَا أَرَادُوا أَنْ يَخْرُجُوا مِنْهَا أُعِيدُوا  
فِيهَا وَقِيلَ لَهُمْ ذُوقُوا عَذَابَ النَّارِ الَّتِي كُنْتُمْ بِهِء تَكْذِبُونَ ﴾ ﴿٢٠﴾

â€œWarri faasiqa taâ€™an immoo itti galli isaanii ibidda. Dhawaatuma isaan ishii (ibidda) keessaa bahuu fedhaniin ishii keessatti gadi deebifamu. â€œAdabbi ibiddaa kan isin kijibsiisaa turtan dhandhamaa.â€• isaaniin jedhama.

• Suuratu As-Sajdah 32:20

Kana jechuun namoonni ajaja Rabbii keessaa bahanii fi badii hojjatan, iddoon qubannaa isaanii Jahannami. Akkuma ibidda keessaa bahuu fedhaniin, gara ibiddaatti gadi deebifamu. Isaan waqqasuuf akkana isaaniin jedhama: Adabbii ibiddaa addunyaa keessatti kijibsiisaa turan dhandhamaa. [2]

Muâminaa fi kaafirri hojii fi mindaadhaan gonkumaa wal hin qixxaa’an. Hojiin muâminaa gaarii fi hundee kan qabuudha. Hundeen kunis iimaana. Hojiin kaafiraa immoo badaadha. Osoo hojii gaarii kan hojjatu ta’eyyu hundee waan hin qabneef kan baduudha. Dhumarratti, mindaanis wal hin qixxaa’an. Mindaan muâminaa Jannata qananiiti. Jazaan kaafiraa immoo adabbii ibiddaati. Kanaafu, muâminaa fi kaafirri wal qixxaa’uu?

### Maaliif adabbii fi rakkoon adda addaa namootatti bu’aa?

Dhugumatti, gaafi kana namoonni baay’een of gaafatu. Madda sirrii keessa yoo barbaadan deebii gahaa ni argatu. Sababni guddaan namootatti adabbii fi rakkoon bu’uuf badii isaanii irraa buqqa’uun gara Rabbii isaanii akka deebi’aniif. Rabbiin subhaanahu wa ta’aalaa ni jedha:

وَلَنذِيقَنَّهٖم مِّنَ الْعَذَابِ الْأَدْنَىٰ دُونَ الْعَذَابِ الْأَكْبَرِ لَعَلَّهُمْ  
يَرْجِعُونَ ﴿٢١﴾

Dhugumatti, akka isaan deebi’anii adabbii guddaa dura adabbii xiqqaa isaan dhandhamsiifna. Suuratu As-Sajdah 32:21

Adabbiin xiqqaan rakkoolee, musiibaa, dhibee fi balaa adda addaa addunya tana keessatti nama muudataniidha. Adabbiin guddaan immoo adabbii Aakhiraati. Akka namoonni badii irraa buqqa’uun gara Rabbii deebi’anii amananii fi hojii gaggaarii hojjataniif, adabbii Aakhirah guddaa dura adabbii xiqqaa isaanitti buusa. Yoo isaan gara Isaatti deebi’an, tawbaa isaanii irraa qeebalun isaaniif araarama, adabbii guddaa irraa isaan baraara. Dhugumatti kuni rahmata guddaadha.

وَمَنْ أَظْلَمُ مِمَّنْ ذُكِّرَ بِآيَاتِ رَبِّهِ ثُمَّ أَعْرَضَ عَنْهَا إِنَّا مِنَ  
الْمُجْرِمِينَ مُنْقِمُونَ ﴿٢٢﴾

Nama aayaata Gooftaa isaatiin yaadachiifamee ergasii isaan irraa garagale caalaa namni zaalimni eenyuu? Dhugumatti, Nuti yakkamtoota irraa haloo bahatoodha. Suuratu As-Sajdah 32:22

Kana jechuun nama ragaalee Rabbiitiini fi keeyyattoota Qur’aanaatiin gorfamee ergasii fudhachuu dide caalaa namni nafsee ofii miidhee hin jiru. Namni kuni ammaa amma aayaata Qur’aanaatin ni

gorfama. Ergasii inni fedhii nafsee isaatii fi faayda addunyaa hordofuun aayaata kanniin irraa garagala. (Kana jechuun hin fudhatu, itti hin bulu. Kana irra, of tuula.) Kanaafu, irraa garagaluu isaatiif yakkamaa adabbii Rabbiitiif saaxilamu taâ€™<sup>TM</sup>e[3] â€œ**Dhugumatti, Nuti yakkamtoota irraa haloo bahatoodha**â€œkana jechuun warra aayata Rabbii fi ragaalee Isaa irraa garagalan ni adabna.[4]

Qataadan akkana jedha: Zikrii Rabbii irraa garagaluu irraa of eeggadhaa. Namni zikrii (yaadannoo) Isaa irraa garagalee dhugumatti gowwummaa guddaa gowwoome jira, jallinna badaa jallatee jira, badii guddaa hojjate jira. Kanaafi, Rabbiin oltaâ€™<sup>TM</sup>aan nama kana hojjatetti zaatun akkana jedhe: â€œ**Dhugumatti, Nuti yakkamtoota irraa haloo bahatoodha**â€œ[5]

Asitti Nuti yommuu jedhu baayâ€™<sup>TM</sup>inna agarsiisuuf osoo hin taâ€™<sup>TM</sup>in Guddinna agarsiisuufi. Kiristaanni tokko dhufuun kuni baayâ€™<sup>TM</sup>inna agarsiisa yoo jedhe, akkana isaan jenna: ati warra jallinna kan Qurâ€™<sup>TM</sup>aan irraa wanta hiikni isaa wal fakkaatu hordofuudha. Osoo jecha Rabbii oltaâ€™<sup>TM</sup>aa kanatti deebitee silaa wanti ati jettu sirraa deema. Jechi kunis:



â€œ**Gabbaramaan keessan Gabbaramaa tokkicha. Haqaan gabbaramaan Isa malee hin jiru.** [Inni] Ar-Rahmaan Ar-Rahiim.â€œSuuratu Al-Baqarah 2:163[6]

Aayan tuni yaanni sillaase soba akka taâ€™<sup>TM</sup>e mirkaneessiti. Rabbiin tokkicha haqaan gabbaramu (waaqefatamuu) dha. Gooftaan Isa qofa. Isa waliin wanti biraa gabbaramaa (kan waaqefatamu) taâ€™<sup>TM</sup>uu hin dandaâ€™<sup>TM</sup>u.

#### **Kitaabban wabii:**

- [1] Maâ€™<sup>TM</sup>aariju tafakkuri wa daqaaâ€™<sup>TM</sup>iq tadabburi-14/551
- [2] Tafsiira Muyassar-416
- [3] Maâ€™<sup>TM</sup>aarij Tafakkuri wa daqaaâ€™<sup>TM</sup>iq tadabburi-14/553
- [4] Tafsiir Muyassar-416
- [5] Tafsiir Ibn Kasiir-6/149
- [6] Tafsiiru Qurâ€™<sup>TM</sup>aanil Kariim-Suuratu As-Sajdah, Ibn Useymiin- fuula 105

#### **Date Created**

November 14, 2020

#### **Author**

admin